

**C.V. DE BERGGELTE**

# GekkigGeit



**2016**


**Carnavalsgezelsje  
Veur Bemele eo  
C.V. De Berggeltte**



# 't Gezetsje 2016

## 43ste Oetgaaf

"Gekke krant" veur 't BEMELER-LAND



Carnavalsvereniging  
"De BERGGEITTE"  
Bemelen



# Prinses Christel



## **Leef Vastelaovesvrun,**

Christel, de alleriërsjte prinses nao 44 prinsen van C.V de Berggeitte Bieëmele 2015.

Wae haow ziech dit bedach? Pierre Pirnay.

Prinses wuërsjte mèr eine kier in d'n lieëve.

't Woar geine druim, mèh 'nne lieëvenséchte film.

't Oetroope, bezeuk van de ouw prinsen, hoes verseere, prinsentreffen in Groéselt, bezeukskes aan:

Ikkelder, Eësjde, Keer, Segietere Suub, Sjin op Guél en Wienesrao, opname mit Radio Mergelland, interview mèt gezèt De Limburger, groepsfoto met prinsen en prinsessen van 't Heuvelland en Mestreech, bezeukskes bie miech heim mèt veural Jägermeister, bezeunder gesjprekke mèt joonk en oud, kranke bezeuke, speedpolonaise in Tebannet, oplaote van de Geit, keenderzietting mèt oetroope van Jeugprins Boele I, geweldig ouwwieveral in Vallekeberg en Gähl, carnavalsvriedig effekes nao Mestreech, oetroope van Prins Martin I van de Ouw Aokersjtraot, sjluëteluëverdrach in 't hoes van de burger van Eësjde-Mergraote en in oos Sint Laurenskèrk, ieëtensje en prinsenbal in Café Roemers en Café 't Plateau, sjoën kaarte, leef wäörd, attenties, denskes en mèt 't hoeëgte peunt d'n optoch same mèt Prins Boele I, esjkruiske, hieringbiete en eupening van "Dierenkliniek Bemelen".

Gaere wil iech eerderein bedanke vuur de onvergieëteleke Vastlaovend 2015. 't waor 'n geweldig prachtig fees!

En es lètste e bezeunder woërd van dank aan: Pierre Pirnay, de Raod van 11, Prins Boele I, Annemie & Gerard Hofmans, Gerard Rademaker, Jacques Drissen, Pap & Mam, Solange & Roger, femilie, vrun, hel-luijpers, Beemels Kerteerke, Krüttekutters, Pesjtoer en Sint Tuuénis koer.

Iech wunsj uuch en de nuije prins/prinses 'nne geweldige Vastlaovend 2016 mèt hieël väöl sjpas.

ALAAF, Prinses Christel I

# **WIS GEER? WIS GEER?**

Wis geer dat de oud-preense dit jaor hun 44-jaorig jubileum hubbe gevierz?

- dat ze dat, passend bee hunne laeftied, gedoon höbbe door te goon kiene?
- dat sommige oud-preense daobee ierder vol waore dan hun rijke of kaart?
- dat veur andere de nummerkes te sjnel ginge mer dat de mieste toch waal blij waore met weer ‘ns un nummerke..
- dat nao de jeugd, de groete raod en de oud-preense volgend jaor `t carnavalsgezetsje aan de beurt is veur zien 44-jaorig jubileum?
- dat veer dat hiel groets wille goon viere?
- mer dat veer op dit moment nog twiefele tusse jeu des boules en sjoelen?

Wis geer dat d'r 't aafgeloupe jaor hiel get veranderd is in Bemele?

- dat veer unne nuije kastelein höbbe in de kaffee?
- dat dae, behalve de kaffee, ouch nog de bookhouwing op de PC zouw doen in de kaffee?
- dat veer dat neet geluive umdat eederein dae Henk kint, wèt dat dae de bookhouwing miestal deit op de achterkant van e beerviltsje?
- dat heer 't zoe druk haet met dat alles dat heer zich neet ins mie kint sjere?
- dat heer daodoor ouch 't leijersjap van 't twiede haet euvergedraage aan Ralph en Niels?
- dat dat waal mekkelik is want die kinne 's nachts um vief oor de sjpelers nog bee-ein sjravele?

Wis geer dat veer ouch unne neuije veurzitter höbbe bee de FC Bemelen?

- dat Guido Mertens behalve veurzitter bee D66 noe ouch veurzitter is van de FC Bemelen?
- dat die euveriges allebeij neet zoe geweldig in de ranglies sjtoon?
- dat veer zeker weite dat dat neet aan Guido ligk?
- dat oud veurzitter Rob Andriën noe éch gesjtop is?
- dat veer dat tenminste deenke umdat heer op 't voetbalveld ouch al zes kier gestop is en nog sjteeds 't twiede oet de noed moot helpe zoondigs?

Wis geer dat Pierre Pirnaij gesjtop is es veurzitter van de Berggeitte?

- dat heer dat zelf in de Tump haet gesjreve met es ondersjrif “scheidend voorzitter”
- dat veer dat letste nog neet wiste, mèr dat waal erg veende veur Annie

- dat d'r noe dus un vacature is veur dees positie (es veurzitter bedoele veer...)

- dat geer neet gans gek hoof te zeen um dees functie te bekleije?  
- mer dat 't waal hullep...

Wis geer dat de FC Bemelen zich och haet versjterk met un nuij bardame?

- dat die 't sjtekske haet euvergenome van Bert en Paula?  
- dat die letste Bemele höbbe verlaote mer gelukkig nog geregeld langskome?  
- dat de nuij bardame, Trudy, de jongens van 't iersjte en 't twiede hiel good verwènd?  
- dat zee behalve 't buffet och zörreg veur de was, de sjeun pots en zelfs af en tou hunne fiets pots?  
- dat zee noe bezig is met unne cursus sportmassage.....?

Wis geer dat de Sjoffelploog 't ierste Beste Bemelse Biezoondere Broesende Boetengewoene Boete open Golf tournooi haet gewonne?

- dat veer dat logisch veende umdat zee gewènd zeen d'r met de kloompe door te loupe..  
- dat zee natuurlik al un hauf jaor höbbe geoefend achter de pastorie..  
- dat zee dao noe och un eige tuinkamer höbbe ingerich.  
- dat 't os neet zou verbaaze es zee daorum dit jaor och 't ierste Biezonder Belangriek Bemels Bridge tournooi goon winne..

Wis geer dat de Bergrunners van Bemelen dit jaor veur de zevende kier hunne Boeren Bergloop houwe?

- dat zee sinds veurig jaor vaste päölkes met weegwiezers höbbe gezat langs de route?  
- dat de luipers noe 't hiele jaor door de route kinne loupe?  
- dat d'r noe planne ligke um 't parcours nog weijer te verbetere door beveurbeeld groete sjtukke te asfalteren zoedat de luipers gein voel sjeun kriege?  
- dat veer begrepe höbbe dat de gemeinte nog unne meter of 800 asfalt haet ligke dae ze in Bruusterbösch neet höbbe wilde....  
- dat d'r och planne zeen um de route van sjtraotlantaarns te veurzeen en vaste drankposte in te richte

Tom van Leeuwen

will1924@planet.nl  
0434071852  
0641575850

Oude Akerstraat 30  
6268 ND Bemelen



praktijk voor  
mondgezondheid  
maastricht

Christel Schlosser  
mondhygiëniste

Oude Akerstraat 45, 6268 NC Bemelen | +31 (0)6 2816 8509  
[www.praktijkvoormondgezondheid.nl](http://www.praktijkvoormondgezondheid.nl) | [info@pvmg.nl](mailto:info@pvmg.nl)

# ROEMERS EETCAFE



**camping mooi bemelen**

Gasthuis 3, 6268 NN Bemelen, telefoon 043-407132



BOOMKWEKERIJEN  
JOS FRIJNS & ZONEN B.V.

B&B  
utGood

- dat veer van dat ierste neet zoe kapot zeen mèr dat eedere drankpos welkom is mits veurzeen van de gooje drank...

Wis geer dat 't werrek aan de weeg noe eindelik klaor is in Bemele?

- dat die van de Dörpsjtraot dat neet zoe leuk veende umdat ze noe weer hun eige voelnisbèk motte wegzette...

- dat veer met de optoch al un probleem hawwe met de lengte van de weeg, en noe missjien ouch met de breidte?

- dat oonder de asfalt gewoene drek bleek te zitte?

- dat de Heemkunde Stichting deenk dat dit drek mot zeen oet de Romeinse tied?

- dat d'r in de graaf reste van unne ouwe mergelmoer bleke te zitte?

- dat dit unne hiel ouwe klaagmoer sjeint te zeen oet d'n tied dat de Romeinen heij un parkeerplaats veur kar en peerd wilde aanlegke...

- dat de buim oonder aan de waterpool zeen weggehaold zoedat ze vanoet Bemele è sjoen oetzich höbs op de Bemelerberg...

- dat ze helaas andersjum vanop de Bemelerberg noe rech tege al dat boete hangend wasgood aan mos kieke...

Wis geer weijer nog dat:

- Peter Beaujean papa is gewoore mer nog sjteeds neet getrouwde is?

- veer höbbe gehuurd dat heer väöl te bang is um dan oet te jonkheid te moote goon...

- veer aafgeloupe jaor weer unne nuije weeg höbbe gekrege in Bemele?

- nou ja, weeg, mier un paad: 't St Laurentiuspaad...

- en nou ja, nuij, dat dit paad eigelik al tamelijk oud is....

- en ouch al unne naam haw, de Baertweeg....

- de jonkheid aafgeloupe jaor op sjtap gewès is nao Gemert, nao de "Time-out"?

- dat Max de innigste is gewaes dae ouch ech effe unne time out haet gehad?

- dat heer daonao tamelik de kop los haw, en oeteindelik un plaat veur de kop haet?

- dat dat kaom umdat heer neet op tied in de bus kos kome....?

- dat Rim blykbaar unne väöl hellere kop haet dan Max? (in eeder geval unne dikkere...)

- boe heer un sjtadsbus unne fleenke kopsjtoet met haet gegeve boedoorn die bijnao total loss waor?

- dat dat kaom umdat heer neet op tied veur de bus weg kos kome...?

- dat ze bee 't Krutjefeest miestal veur de bar umvalle?
- mer dat aafgeloupe jaor de bar zelf umveel? (wie zaat kinste zeen?)
- dat Marcel Brouwers van zijn vrouw Ilse gein Brand beer mie in hoes maog hoole?
- dat d'r dit jaor nogal get ophef waor euver ouw Duitsje sjpullé op de antiekmerret?
- dat veer al jaore eine in 't dörp höbbe met unne sjnor en un hiel hèl sjtum dae 't altied haet euver "Die Manschaft", en dat veer dat väöl erger veende..?

Wis geer dat Bemelen noe ouch un echte dierenkliniek haet?

- dat Anniek Brouwers die same met häöre vreund haet opgezat?
- dat dao netuurlik ouch alle berggeitte nao tow kinne die zich neet zoe lekker veule?
- dat zee sjpeciaal veur carnaval un sjpreekoor höbbe veur katers?
- dat veer deenke dat zee 't dan hiel erg drök goon kriege?

Wis geer dat Bemele haet geprobeerd 't glaze hoes nao Bemele te kriege?

- dat café Roemers sjpeciaal daoveur unne glaze veranda haet gebouwd?
  - dat dat oeteindelik neet is doorgegange umdat ze Henk neet "serious" naome?
  - dat os dat nik's oet maak, en dat unne kaffee neet genog glas kin höbbe, zoelang dat mer vol is?
- Wis geer dat de hermenie dit jaor inmiddels honderd en éin gewoore is?
- dat zee nao 't wegblieve van Sinterklaos noe ouch met Keuningsdaag neet zeen oetgetrokke?
  - dat veer os kinne veursjtelle datste op zoene laeftied get minder op de bein bès en boete kumps?

Wis geer dat os prinses zich unne hoond haet aangesjaf?

- dat dat is veur es zee is aafgetroije en zee aafsjeid mot numme van die hondstrouwe raod van ellef?
- dat zee hum "Borre" haet geneumd mer dat heer al zoe dèks in de kaffee keump dat ze 'm dao al "Borrel" neume?




## Un slippertje in Curacao

Wis geer dat ozze vaste gezetsjes-sjriever Guus Urlings neet van de partij is dit jaor?

- dat dat keump umdat heer in Curacao gevalle is en ziene rechterpols gebrooke haet?
- dat dat veur unne man al hiel erg is, mer veur unne sjriever nog veul erger?
- dat heer dao neet hielemaol veur nao Curacao hoof te goon mèr dat heer dat ouch heij kin doen?
- dat heer eine carnavalist is van 't ierste oor, en vreuger ouch hiel dèks eine van 't letste oor?
- dat heer ondanks alles nog sjteeds unne carnavalist is in hart en neer?
- dat veer häöm veul betersjap weense en houpe dat heer volgend jaor weer d'r bee is?

Wis geer dat veer 't noe waal sjoen genog veende? Wis geer dat allemaol? Neet? Dan wèt geer 't noe....

**Oplossing voor parkeerplaats discussie  
in de kom van Bemelen**



## NIEUWS-FOTO-QUIZ



# Daot mèt, en weur lezer van 't carnavalsseizoen 2016 !

In naovolging van Dagblad de Leugeneer organisere veer van de carnavalsvereiniging same met d'r Tump ouch un "lezer van 't jaor" verkiezing of, in os geval, unne "lezer van 't carnavalsseizoen" Eederein kin met doen, 't is neet meuijlik, geer hoof bee de foto's allein mer 't gooje oondersrif te keeze. Väöl succes !!



Foto 1

- A. Vogelwerkgroep gevraog um losgebroke keender te vange..
- B. Vogelwerkgroep zet zelf gekweekte keender oet...
- C. Nuije prensewage jeugraod weurt oetgetest

Foto 2

- A. Tja, de prinses houw Rick um unne wals gevraog...
- B. Rick hèlt waal van e bitsje platte humor,...
- C. Sommige luij höbbe neet väöl nudig um unne zaal plat te kriege..





**Foto 3**

- A. Dat glaas beer geit waal in eine kier d'r in
- B. Es vrijgezel is Tommy neet zoe good op 't look...
- C. Geine "birdy" veur Tommy mèr gewoen unne vogel..

**Foto 4**

- A. Sjoene PickNick...
- B. Jonge oondernummers bottele ech Bemels Bubbelend Badwater..
- C. Un bad vol of vol in 't bad?



**Foto 5**

- A. Talentvolle kok geit veur z'n ierste sjterke..
- B. Alweer chinees? Volges miech kin Dyanne beter zinge es koke,...
- C. Philipe opent ierste nudiste restaurant in Bemele

### Foto 6

- A. Pierre Thomaasen kump mèt nuij kledinglijn thuistuinierders
- B. Buurtbewoener mot confetti oondersjoffele nao optoch Bemele
- C. Nuij uniform sjoffelploog in 't geheim getest op de Schepenbank



### Foto 7

- A. Ierste solo vluch van Roy Gorissen
- B. Nao kleiner sjteul, noe ouch kleiner vleegtuige bee Ryan air
- C. ...veer vraoge os allein aaf boe die stewardess noe zit...

### Foto 8

- A. Tja, dao haet heer dat bord miestal neet veur nudig dat zuuste ouch zoe waal..
- B. Krûtsje fees greukt oet zien voege en waor hielemaol oetverkoch..
- C. Vol is heer al, noe nog wasse..



### Foto 9

- A. Jef haet de sjpeeltuin al metgenomme, noe 't zjwumbad nog
- B. Nuij buurt glijd noe al aaf...
- C. D'r maoge nog keender bij in de keersewei...



### Foto 10

- A. De weeg nao de kaffee geit neet euver roeze..
- B. Pliesie sjtruukelt euver ierste zebrapad in Bemele..
- C. Zebrapad in braille veur luij die 't neet mie zoe good zeen,...

### Foto 11

- A. Prinses op jach nao leuke vent...
- B. Mondhygieniste maak verdouvingsgeweer klaor veur de volgende patient...
- C. Nao de ierste prinses wou zee ouch persé de ierste keuning weure..





**Foto 12**

- A. Bezeukers canavalsbal numme veur de zekerheid eige ete mèt veur es d'r weer geen frietent sjteit..
- B. In Belsj neume ze un koelbox gewoen un kouw does...
- C. Toiletjuffrouw maak chemisch toilet van de (oud)preensewaage laeg

**Foto 13**

- A. Un woonder: Deun waor iers tamelik lam, noe is heer weer nuchter..
- B. Deun onderwerrep ozze gast aan un kruusverhuur...
- C. Mer kinste van water ouch beer make?



**Foto 14**

- 
- A. Oud preense blooze fleenk in de bus bee jubileumviering...
  - B. Bejaarden Bemelen oonderweeg nao de kienmiddag
  - C. ...es 't herte waore gewaes haw 't un ree-bus kinne zein

# DE GERUCHTEMEULE DRIEJT WEER....



De opening van kaffee Roemers aafgeloupe jaor met 't groete muziekpodium op de Jeu des Boules baan haet zoeväöl indruk gemaak dat besjloten is um in 't vervolg eeder jaor un groet boeteconcert te houwe. Eeder jaor groete artieste van boete oetnudige is echter väöl te deur en dat hoof ouch neet want veer höbbe toen al gezeen dat d'r genog luij met zangtalent is in Bemele.

De geruchte goon dat d'r dit jaor dan ouch e nuij evenement georganiseerd geit weure: The voice of Bemele.

Inmiddels höbbe zich al zeve kandidate opgegeve veur de veurrundes. Veer sjtelle ze heij oonder gère kort aan uch veur in willekeurige volgorde: Maaike es Nana Mouskouri met "Try to remember" (sjpeciaal veur Henk), Peter Ladeur es ziechzelf met "Daar bij die molen," Roemer Jacobs met "Hair" oet de gelieknamige musical Hair, Niels Beijters met "Kleine jonge" Remco Mourmans met un nummer van the Police ("Message with a bottle" of "Every Breathtest you take" dat wèt heer nog neet zeker) en tensjlotte 't Krutsje met hun eige hit "Kom mèr, gaank mèt" In plaats van un blind audition zulle die van 't Krutsje waarsjijnlik goon veur 'n douf audition.

Geer kint uch netuurlik nog sjteeds opgeve um met te doen aan de veurrundes. Daoneve zeen zee ouch nog op zeuk nao juryleden die neet al te sjnel dreierig zeen, anders dreijt bee die de maag um in plaats van de sjtool.

Lede van 't St Antoniuskoer of St. Caeciliakoer maoge ouch reagere, mèr aangezeen d'r nog noets un kerrekbank is umgedreijd in de mis op zoondig sjatte veer hun kanse neet hoeg in.

De inscrievung sjtop op 1 april 2016





Gezellige boel op deensdig in  
kaffee Roemers....

# Doot miech e piepke...

De opletende bezeuker van kaffee Roemers is 't wellich al opgevalle: vlak nao de euvername van de kaffee versjene op de gekste plaatse aan de moer in de kaffee leidinge, soms kunstig vermomd es gordijnrooij, soms ouch es kapsjtok en in é eenkel geval zelfs es taofelpoet... Nou ja, zult geer deenke, dat mot Henk Jacobs toch zellef weite, heer haet toch de leiding in zienne kaffee? (Dat letste betwiefele veer euveriges es veer Maaike soms huure...)



Tja, dao höb geer dan geliek in, ware het neet dat veer noe ouch op ander plaatse in Bemele dees vraemde leidinge aan höbbe getroffe. Zoe is hiel recent ouch un zelfde leiding gevoonde roontenum 't voetbalveld van Bemele, heij kunstig gecamoufleerd es un nuij umheining. En laot Henk ouch in 't besjtuur van de voetbalclub zitte... Da's waal hiel toevallig allemaol... Mèr 't geit weijer.. ouch op de kérktrap zeen diezelfde iezere buize aangetroffe, heij nog beter gecamoufleerd door ze zjwart te verve zoedat ze net oetzeen wie trapleuning... En, geer raojt 't al: wae bliek heij ouch es kérrekmeister get in te mèlleke te brokkele te höbbe... Jazeker: Henk Jacobs...

Wae is toch dae Henk Jacobs en, nog belangrieker, boerum lègk dae door gans Bemele leidinge aan, en boe deene die veur?



Vanwege 't feit dat de leidinge zoewel in de kaffee es op 't voetbalveld gans roond loupe dachte veer iers aan un ringleiding, geer wet waal, boe met sjlech huurende luij 't via hun huurapparaat beter kinne volge allemaol. Dat liek os oetgesjlote. Op 't voetbalveld weurt hèl genog gesjriewd um alles zoonder huurapparaat te kinne volge en wat in de kaffee gewauweld weurt wilt geer gaaroet neet volge. Ouch de opties van buizepost (zoe zou Henk toch è bitsje op tied bee alle vergaderinge aanwezig kinne zeen of de sjtukke aanlevere) of un verweringssysteem höbbe veer bekeke mer lieke us oetgesjlote.

't Miest veur de hand liggend is natuurlik dat 't heij geit um beerleidinge boemet Henk ziene kaffee sjiekem oet wil breije nao gans Bemele. Op die manier hoof geer sjtraks neet mie nao de kaffee te komme veur è gleeske beer mèr kint geer euveral in Bemele terech bee de diverse tappunte die heij aan gekoppeld goon weure.

Zoe zou heer och kinne concurere met de kantien op 't voetbalveld door al oonder de wedstrijd beer aan te beeije aan de sjpelers van 't ierste en 't twiede. Die hove dan neet mie te wachte tot de wedstrijd gedoon is en zee nao de kantine kinne goon. De leiding nao de kerrek reup nog eenkele vraoge op. Es kerrekmeister zal Henk toch waal weite dat heij miestal wien weurt gedroonke?

Messjen wil heer zelf zien leidinge-netwerk nog waal weijer oetbreije um zoe 't beer tot bee uch in de hoeskamer te bringe. Betrouwbare bronne höbbe hum bee de werkzaamhede aan de Oude Akersjtraat geregeld zeen euverlegge met d'n opziechter en geruchte geve aan dat dae veurdat de sjtein terök gelag woorte dao noch gauw un extra piep oonder gelag haet. Zoe hoof heer sjtraks 's aoves laat neet mie veur e paar man de kaffee ope te houwe en haet de gooje jong ouch weer 'ns get tied veur zien ander hobby's.

Dus kiek neet op es geer de kommende weke eine met de sjöp in de tuin zeet grave...

Veurluipig zal de aanlegk van un beerpiep waarsjijnlik allein aan de Oude Akersjtraot meugelik zeen. De res van Bemele mot wachte dat ze dao ouch de boel goon ope breke...

Mocht d'r mier informatie besjikbaar komme dan houwe veer uch op de huugte op de nuije website [www.dootmiechepiepke.nl](http://www.dootmiechepiepke.nl)



't Geit d'r ruig aan touw bee de bridgemiddag op  
deensdig in Roemers Saloon in Bemelen City...

# Carnavalsprogramma 2016



## **Zoondig 31 januari: Keender-Zitting**

Um 13.11 oor: Oploate van de Berggeit en ballonnen – wedstrijd.

Met oetroope vaan de nuije Jeugdpreeens? En/of Prinses ?

## **Zaoterdig 6 februari: Sjleuteleuverdrach**

Um 13:00 oor: Sjleutel-euverdrach Gemeinte Eijsde-Mergraote

Um 19.00 oor: Sjleutel-euverdrach van de parochie Bemelen tijdens de H. Mis

Daonao Preense/Prinsessebal café 't Plateau

## **Zoondig 7 februari: Amuseeruchzelf**

D'r is genog te doen en alle kaffee's zien ope dus...

## **Maondig 8 februari: Oetruste (of toch neet?)**

Rustdaag Groete raod van ellef...(...en geer geluif dat?)

## **Deensdig 9 februari: Groete Carnavalsoptoch**

Opsjtelle : 12.11 oor op 't Gasthoes

Vertrek : 13.11 oor

's middags en 's aoves springe in de zaal

## **Woensdig 9 februari: Hieringe biete**

Um 18:30 Assekruiske haole in de kerrek, daonao hierungbiete bee café Roemers.

## ***Insjrieve veur de optoch***

Deenck geer d'r aan dat geer uch op tied mot insjrieve es geer  
mèt wil doen in d'n optoch?

Insjriefformuliere zeen te downloaden op

[www.berggeitte.nl](http://www.berggeitte.nl)

Lever ze in op tied in want vol is vol !!



*De innige Berggeit met unne sik...*

# Oetnuudiging

---

---



*Um de jeugdzitting van de Berggeitte mit os te vieren!*

---

---

**Wanneer: 31 januari 2016, 13.33 oor**

Oploate van de Geit en aanvang zitting.

**Waar:** Gemeenschapshuis Oude Akerstraat 52, Bemelen

**Wat meebrengen:** zin um te strijden!

Vur sjpele namelijk t spel "de jongens tegen de meisjes"



**Carnavalsgroetjes van de Bergeitte!**

**Vraoge? Mail noa:**

**[biancavanproemeren@gmail.com](mailto:biancavanproemeren@gmail.com)**



*Beste carnavalisten,*

*Het was cool om Prins te zijn! Bemelen bedankt voor:*

- jullie aanwezigheid tijdens het uitroepen en de Carnaval;*
- alle aandacht en geschenken na het uitroepen;*
- de mooie wagen en de steun van de grote en kleine Raad.*

*Speciaal wil ik nog Monique, Philip en Bianca bedanken voor de begeleiding.*

*En natuurlijk de attente Prinses Christel voor de leuke tijd, vooral tijdens de optocht.*

*Groetjes van Prins Boele, Bemelen alaaf! Carnaval alaaf!  
Berggeitjes alaaf!*



BEMELE, 9 JANUARI 2016

IECH, PREENS



# Didier 1

## VAN DE BERGGEITTE

- Geboore in Kerkroaj op Deeredaag in 1993.
- Daonao hiel snel nao Bemele gekome um heij op te grouwje.
- Sjudent aan de Hoegere Hotelsjaol in Mestreech.
- Zoon van Berry en Monique Weijts, broerke vaan Rachelle.
- Al joare ut leefste vriendsje van Britt.

### Iech proklameer:

1. Dat iech 't wape van Bemele hub verwérk in mien medaille umdat veer ontzettend gruuts maoge zeen op os klein dörpke boe joonk en oud zich samenpakke.
2. Dat iech houp dat de buurt dit jaar waal oet hunne weentersjlaop keump en dèkser in de geïttesjtal te veende is, zoedat veer ze dan ouch ins unne gooije kinne insjudde!
3. Dat ze miech bee de drumband noe motte misse, mer dat ze dao neet rouwig um hoove te zoen want vanaaf noe kleenk wat iech daon, toch eve nurgens mie nao.
4. Dat iech ouch bee FC Bemelen erg actief bin mer mien conditie veurluipig op peil gaon houwe in de polonaise, tenminste ins un fatsoenlijke training.
5. Dat veer es besjtuur van de joonkheid ut weekendje-weg noe hiel eve in de ieskas motte plaatse, want dao hub iech veurluipig eve geine tied veur.



6. Dat iech komende maondag un belangriek tentame hub en iech mörrege dus gët rustiger aan moot doen, mer dat iech d'r dan waal veur kin zörge dat iech daonao 5 weke gaas kin geve.....
7. Dat mien vrun unne zijwoere carnaval goon kriege, mèr dat veer heijveur al jaore aan ut oefene zeen in 't Krütje. Dít moot dan ouch géin probleem zeen,dus iech zouw zègke: kom mer, gank mit!
8. Dat de raod fleenk aan de weeg aan ut tummere is want door de verjonging zeen veer houpelik verzekerd van nog veul gezellige en sjoene carnavalsseizoene heij in de geïtestal.
9. Dat mien zus Rachelle in 2001 jeugdprinses waor en pap elf jaor geleijé preens. Dat beteikent dat de Sint Antoniusbank 28 noe veur de derde kier umgebouwd geit weure tot preensemtempel boe altied un glaeske beer zal klaorsjtoon!
10. Dat ut Bemels Keteerke noe ech gaas mot goon geve um d'r same unne sjieke carnaval van te make mit polonaises op hoeg tempo!
11. Dat iech d'r same mit mien leef prinses Britt en alle Berggeitte en Berggeitsjes unne super carnaval van gaon make mit veul polonaises en weer unne super sjoene optoch.

BEMELE

ALAAF !!!

BEMELS KETEERKE ALAAF !!!

BERGGEITTE

ALAAF !!!

# Kom mèr, Gank Mit !

Ut weekend is weer doa  
Dus tied veur un feeske  
Bel Lei dan vroag iech Jean  
En daan dreenke veer un gleeske

Ut weurd un gooie nach  
Iech goan veur al mien kanse  
Shotje hei en doa  
En mit de vrowluij sja-a-nse

Starte in 't Krûtje  
De ierst weurd ge-at  
En doanoa mit zun alle  
Gezellig noar de stááád

*Refrein:*

De ierste cafe in  
Bekinde kom iech tege  
Ver hubbe gooie zin  
Nog un rundje weurd gegeve

Ach pils en 2 sjoes  
En jean weurd al get zater  
Mer goan nog neet noa hoes  
ut weurd later en la-a-ter

Wie bin iech thoes gekome  
Wat ligk hei neve miech  
Ze heed 'n good karakter  
Mer zun van dat ge-zíéééch

Refrein: ( 2 x)



*Refrein:*

*Kom mer, kom mer, kom mer  
Gank mit, gank mit, gank mit  
Kom allemoal, sleet bei us oan  
En door noa 't buffit*

*Kom mer, kom mer, kom mer  
Gank mit, gank mit, gank mit  
Kom allemoal, sleet noe mer oan  
Veer goan nog neet noa bid*



Bietje verwarring die Krutje preense...is Max nu de 4<sup>e</sup> of  
de 5<sup>e</sup> Krutjespreens ??



De kerk in  
Bemelle... Mer  
dan volle ges  
André Rieu in  
ziene clip

# Pietertje verkiezing



twiede te maoge voetballe).

Dao roope ze namelik in plaats van unne “man of the match” nao de wedstrijd unne “Pietertje van de week” oet. Geer wèt natuurlik dat ze daomèt dae van de Calvé reclame bedoele, dae van “jij kunt echt niet voetballen, hè Pietertje”

Inmiddels zeen de pöt pindekies neet aan te sjleipe op ’t voetbalveld want ’t is soms un onmeugelikke taak um ’t miest hopeloze geval d’r oet te keeze. Sommige sjpelers is ‘t al geluk um unne fleenke veurraod aan te legke. Veer höbbe zelfs ver nome dat d’r luij zeen die door al dae pindakies al un pinda-allergie höbbe opgeloupe.

Speciaal veur die sjpelers die dèkker dan ins unne pot pindekies kriege wille veer de helpende hand beeje: pindekies is namelijk neet allein veur op ’t broed of veur in de saté. De kins ’t volges internet ouch prima gebruuke es:

- gel (gebruuk hei neet dae variant met ganse sjtukskes pinda veur..)
- ouch es te kauwgum in d’n haor höbs gekrege kinsté dat met pindekies d’r good oet hoole.
- de kins met pindekies un bloodneus sjtoppe door d’n neusgaat tow





rechterneusgaat, serieus woer, zoe sjtom kinne veer dat zelf ech neet verzinne...)

- ouch is 't hiel good veur 't weghaole van vusjloch (allein sjtink 't daanao waal nao pindekies....)

Wilste 't toch liever opete dan is dat ouch hiel good veur diech, de vels d'r namelik good van aaf en pindekies zörreg veur sjpieropbouw en jao, dao weure Pietertjes allein mer beter van....

D'r zit waal ein groet naodeil aan pindekies: umdat 't zoe vettig is sjleit 't diech 't sjoem van 't beer aaf...

te sjmère (waal op tied weer d'r oet hole..)

- 't werk beter dan gewoene kies es te muis wèls vange

- de kins d'r zelfs unne platte band mèt plekke (ech woer..)

- de kins teste ofste Alzheimer höbs (este met d'n leenker neusgaat ierder de pindekies ruuks es met dien



Wee wurd  
't Pietertje  
van de  
week??



Wis geer dat: Prinses Christel tijdens 't hardloupe waal bang is  
veur Berggeitte...



EN DAORUM MAOGE DUS GEIN  
VROWLUIJ BEE DE JONKHEID..

# 't nuije Hollywood...

Veurig jaor höbbe veer al melding gemaak van 't feit dat d'r unne film gemaak ging weure euver Bemele. Veer veursjpelde toen al dat Bemele nog waal ins 't Hollywood van Europa zou kinne goon weure. Nao diverse films van de herremenie en dé film euver Bemele met eenkele inwoeners in de hoofdrol haet Hollywood Bemele gevoonde...

Veer es redactie van 't gezetsje höbbe os metein opgeworpe es manager van os dörp en veer zeen momenteel bezig met oriënterende gesjprekke euver nog väöl mier films met luij van Bemele in de hoofdrol.

Zoe zeen veer benaderd veur un Nederlandse versie van FC de Kampioenen boe in de filmmaatschappij 't twiede van Bemele es ideale hoofdrolsjpelers zuut um dao de rol van bieijn gesjrapeld amateurteam in te sjpele. Un team dat mier hoegtepunten in de kantien kint dan op 't veld..

De producente van de "Expendables" waore ouch op zeuk nao nuij hoofdrolsjpelers veur un vervolg op hun actiefilms. Ze waore op zeuk na unne groep gepensjoneerde veterane die met humor en grof geweld van fleenk opruime houwe. Veer zeen dan ouch metein aan de sjlaag gegange en höbbe de Sjoffelploog benaderd. Die zeen d'r neet vies van um urreges oonder in te sjoffele..

De oonderhandelinge zeen inmiddels ver gevorderd mer hange noch vas op 't script umdat de sjoffelploog de kerk in 't midde wil laote.

Es manager höbbe veer ouch al groepe in besjerming motte numme tege zichzelf. Zoe wou unne bedeinkelijke producent van 18+ films de joonkheid benadere veur hun productie "Joonk en Heit VI". Zee houwe get filmkes op youtube gezeen en op de website get gelezen euver "meiden". Veer höbbe toen motte oetlegke dat de joonkheid un gruupke is van allein mer jonge manne. De producent vroog toen wat die dan dege met die meiden. Veer weer oetgelag dat d'r gein sjprake

is van vrowluij mer van e gruupke jonge manne die eine kier per jaor same in un tentsje in 't bos sjlaope um dao unne paol oet te haole, dae zee vervolges same met andere manne rechop zette in un look onder 't genot van e piepke...

Toen begos heer inins euver unne film in un ander categorie, get met un harde G, boenao veer hum verzekerd höbbe dat de jongens toch ech allemaol met unachte G sjpraoke..

Ouch zeen veer benaderd veur unne musical met zangkoer St. Cecilia. Dat bleek echter al gouw un Mission Impossible te zeen.

Mèr ouch andere inwoeners van Bemele sjtinge op ins in de belangstelling van Hollywood. Zoe is Max Defeche nao zien rol in de actiefilm "Time-out" benaderd veur un hoofdrol in de nuije MAD-MAX film. Mer de mieste interesse ging toch oet nao de hoofdrolsjpeler van de film euver Bemele: Pierre Pittie (beter bekend onder ziene artieste naam "de Kromme") Nao zien prachtig natuurgetrouw geacteerde rol es dörpsfiguur höbbe veer de miest fantastische aanbiedinge gekrege veur Pierre.

Zoe waor d'r groete interesse veur Pierre um te sjpele in de nuije Hobbitfilm. En ouch de producent van Star Wars hét zich inmiddels gemeld um Pierre es opvolger van Yoda un rol aan te beeije. Foto's van de test opnames kint geer heij zeen. Euveriges waor de regisseur blykbaar neet gans tevreije met de acteerprestaties van de Kromme bee dis test opnames. "Jaaaa,... Iech weit 't ouch neet,...dae reep de



hiele tied kut,... Iech dach dat 't toch waal aardig ging....” aldus Pierre Pittie.

Met al dees interesse veur de film in Bemele zal 't gemeinsjapshoes ouch umgebouwd goon weure tot bioscoop. De iersjte ervaringe zeen hiel positief.

Daoneve zal d'r veurtaan zjus wie ze in Hollywood de Oscarverkiezingen höbbe en in Nederland 't Gouwe Kalf ouch in



Bemele unne pries oetgerek weure veur de beste filmprestaties van 't jaor. Waarsijnlik zal dat heij de “Gouwe Geit” goon weure. De ierste nominaties zeen al bekend, veer neume d'r heij un paar: Pierre Pittie is uiteraard genomineerd veur beste mannelijke hoofdrol. In de categorie beste vrouwelijke hoofdrol is dat natuurlik dit jaor os prinses Christel.

Un andere nominatie is d'r veur Rick Severijns veur de beste korte documentaire “Auw mugk iech sjpring van de brugk”, Max Defesche is genomineerd veur “Beste Stuntman”, Tommy van Leeuwen is genomineerd veur “Beste geluidseffecten” (die van 't twiede weite vas waal boerum) en 't Bemels Keteerke tensjlotte veur “beste muzikale oondersjeuning”

Mer neet allein ontvingk de winnaar sjraks è sjoen beeldsje, heer of zee zal sjraks ouch verieuwig weure in de “walk of fame” in Bemele. Veer zeen noe nog in onderhandeling met de wegebouwer

of veer han- en voot aafdrukke maoge zette in de nog werreme asfalt van de Dörpsjtraot. Anders krijg eedere winnaar sjtraks zien sjter in de breije sjtop langs de nuije weeg. De iersjte sjter is al klaor.



*van Gregor*  
interieur & verbouwing  
[www.vangregor.nl](http://www.vangregor.nl)  
06-15423216

 **Lambert Thomassen**  
Metaaldraaierij

---

**LWM Thomassen**  
De Steeg 5  
6268 NK Bemelen  
Telefoon: +31(0)43-4072060  
Fax: +31(0)43-4072560  
Email: [lwmthomassen@home.nl](mailto:lwmthomassen@home.nl)


|           |               |
|-----------|---------------|
| KvK Nr.:  | 14629622      |
| BINN Nr.: | NL88147502801 |

PIERRE THOMASSEN



GEWASBESCHERMING

DE MEEST COMPLETE DIERENSPECIAALZAAK!



huis-, tuin-, diervoeden en benodigdheden  
werk-, vrijetijdskleding en veiligheidschoenen

Rijksweg 46  
Mesbergweg 1  
6325 BZ Berg en Terblijt  
Tel. 043-604 17 43  
Fax 043-604 20 69

Hotel *Bergrüst* \*\*\*  
Brasserie



H. & R. Andriën

Landschapsonderhoud, Loonwerk



Einsteinstraat 29  
Dorpstraat 118

Heer/ Maastricht  
Heer/ Maastricht

Tel: 043-3614415  
Tel: 043-3618380

JID ELECTRO  
DUYCKERS BV

- VOOR AL UW ELECTRISCHE INSTALLATIES •
- ONTWERP • AANLEG • SERVICE • ONDERHOUD
- 24-UURS SERVICE DIENST •

Molensingel 69 • 6229 PC Maastricht • W [www.duyckers.nl](http://www.duyckers.nl)  
• T 043-3652210 • F 043-3652505 • E [electro@duyckers.nl](mailto:electro@duyckers.nl)

**Van Motman**  
Staalconstructie • Montage • Installatie

Een bijzonder woord van dank aan onze sponsors die ook nu de carnaval in Bemelen weer hebben gesteund.



## De kopere kromme

De groete carnavalsorde van de Kopere Kromme, de oondersjeiing veur groete verdeenste veur de gemeinsjap Bemele en umsjtreke, weurt dit jaor towgekind aan:

### \* Wiel Dreessen

Dat zaot d'r al 'n tiedsje in want heer is 't langst zittend raodslid van Nederland (49 jaor), alhoewel heer toch gereigeld opsjteit um in de bres te sjpringe veur os gemeinsjap

### \* De oud Preense

umdat zee dit jaor hun 44 jaorig jubileum viere en d'r altied bee zeen, in gooij én in sjlechte tijje. en dit jaor veur de ierste kier un oud-prinses (veer geve de veurkeur aan "voormalig-prinses") in hun midde goon kriege..

### \* Pierre Thomassen

Neet de oudste oud-preens mèr toch eigelik waal. Heer waor namelik de iersjte preens van de Berggeitte en viert noe dus ouch zien 44-jaorig jubileum es oud-preens.

### \* Jean Andriën

Unne hiele sjpeciale kopere kromme dit jaor veur ozze dit jaor euverleije oud-preens en rasechte carnavalist Jean Andriën. Veur al die jaore dat veer plezeer mochte belaeve aan Jean: es preens, es oud-preens, es buutereeindr, es einzelgänger jao es èchte carnavalist. Veer zulle hum misse en probere us ouch dit jaor zoonder Jean toch te amusere precies zoe es heer dat zelf gewild zu höbbe. Net zoe wie heer 't geweldig zou veende um nog unne kier in "t gezetsje te sjtoon. Jean, bij deze en nog bedank...

PASSIE FLORA  
HOVENIERSBEDRIJF

Rijksweg 37 - 6325AA Berg en Terblijt

E-Mail: [passeflora@zonnet.nl](mailto:passeflora@zonnet.nl)  
Tel: 06 - 53 33 94 42

.concept . uitvoering .  
.onderhoud.

Wij nodigen U uit voor een lekker hapje en drankje.  
Zonnig terras in prachtig wandel en fietsgebied.



Engwegena 2a  
6305 PM Schin op Geul  
043-4591389

# HEIJNENS

## INSTALLATIES

H Heijnens Installaties vof  
Meeuwweg 13  
6225 BG Berg en Terblijt  
tel: 043 - 40 80 378  
fax: 043 - 520 953 34 Pedro  
06 - 520 953 34 Pedro  
06 - 506 331 38 Pascal  
[info@heijnens.nl](mailto:info@heijnens.nl)  
[www.heijnens.nl](http://www.heijnens.nl)



Grondwerkzaamheden.  
1 Rooth 8, 6269 NV Margraten  
0434072993 0653940355  
e-mail: [mnijskens@home.nl](mailto:mnijskens@home.nl)

CRIJNS banden.nl

EURO TYRE

- \* Maastricht
- \* Bergerstraat
- \* T. +31(0)43 363 55 66

# Ogiér

## Interieurbouw

Tromputte 16  
6269 BC Margraten  
06 22 785 892

KLINKERS

GROOTHANDEL IN ZOETWAREN

Uitgebreid assortiment aan carnavalsmelange  
Bezoek vrijblijvend onze showroom en website!

Gratis bezorgservice  
Zoetwaren - IJs - Dranken - Koffie/Thee  
Carnavalsmelange - Disposables


T: 046-624 1723 [www.klinkerszoetwaren.nl](http://www.klinkerszoetwaren.nl) [contact@klinkerszoetwaren.nl](mailto:contact@klinkerszoetwaren.nl)

BERHUYNEN

TUIN • PARK • LANDBOUWTECHNIEK

## Verkeezing miest onnuuzele geziech 2015






"veiliger" umheining veur de FC Bemelé gein  
succes...



Gemeente  
Eijsden-  
Mergraoete:  
...en es geer noe  
nog weense höb  
dan goeij mer get  
in de wèensput  
want os geld is  
op....



Vaste route  
Bemels Beste  
en päälkjes zeen  
't begin van  
nog veul mier  
wandelroutes  
en päälkjes in  
Bemele...



RALPH SJNAP T NOG ALTIED  
NEET HIELEMAOL.....

